



**Komisija za izbor i imenovanja i  
administrativna pitanja**

Broj: 01-05-18935-2/13

Sarajevo, 04.07.2013. godine

**ZASTUPNICIMA  
U SKUPŠTINI KANTONA SARAJEVO**

Komisija za izbor i imenovanja i administrativna pitanja Skupštine Kantona Sarajevo na sjednici održanoj dana 04.07.2013. godine razmatrala je zahtjev, koji je dostavila predsjedavajuća Skupštine, za neopozivu ostavku Prof. dr Damira Marjanovića, ministra Ministarstva za obrazovanje, nauku i mlade Kantona Sarajevo.

Na osnovu člana 202. stav 1. i člana 37. Poslovnika Skupštine Kantona Sarajevo (Službene novine Kantona Sarajevo -Drugi novi prečišćeni tekst, broj 41/12 i 15/13) Komisija je obavezna da izradi Prijedlog odluke i pisano mišljenje u vezi ostavke, kao i da dostavi isto sa ostavkom zastupnicima na dalje razmatranje.


S obzirom da je na sjednici prisustvovalo četiri člana Komisije od sedam izabranih i nisu bili jednoglasni u donošenju mišljenja u vezi ostavke ministra Marjanovića, Komisija nije donijela Odluku, kao ni pisano mišljenje.

Iz tih razloga dostavljamo vam zahtjev za razmatranje neopozive ostavke i odgovor premijera KS na dalje postupanje u skladu sa članom 202. Poslovnika SKS.

**PREDSJEDAVALJUĆI KOMISIJE**

Elmedin Konaković





Broj: 11-34-15053.1/13

Sarajevo, 24.06.2013. godine

**SKUPŠTINA KANTONA SARAJEVO**

**n/r Predsjedavajuće**

**PREDMET:** Zahtjev za razmatranje neopozive ostavke ministra prof. dr. *Damira Marjanovića*

Poštovana gospođo Malić,


Kako Vam je poznato dana 21.05.2013. godine podnio sam usmenu i pismenu neopozivu ostavku na poziciju ministra za obrazovanje, nauku i mlade Kantona Sarajevo.

U svom odgovoru na ovaj dokumnet koji sam dobio 18.06.2013. premijer Vlade Kantona Sarajevo je izjavio da ne prihvata moju ostavku.

S obzirom da je moja ostavka **neopoziva i da je ne namjeravam povući**, molim Vas da u skladu sa članom 202. Poslovnika Skupštine Kantona Sarajevo provedete propisani postupak.

Koristim priliku zamoliti Vas da moju ostavku uvrstite u dnevni red sjednice Skupštine Kantona Sarajevo koja će se održati 08. jula 2013. godine.

S poštovanjem,

  
**MINISTAR**  
Prof. dr. *Damir Marjanović*





Broj: 02-05-17948/13

Sarajevo, 17.06.2013. godine

**MINISTARSTVO ZA OBRAZOVANJE, NAUKU I MLADE**  
**n/r ministra Damira Marjanovića**

**PREDMET:** Odgovor na podnesenu ostavku

Dana 21.05.2013. godine dostavljena mi je Vaša ostavka u kojoj navodite da je motiv za podnošenje iste isključivo iz poslovnih i etičkih principa, te personalnog načina vrednovanja dosegnutih rezultata dosadašnjeg rada. U ostavci također navodite kako smatrate da niste ispunili vlastita očekivanja odnosno niste uspjeli spriječiti protestni skup prosvjetnih radnika održan dana 21.05.2013. godine ispred Vlade Kantona Sarajevo.


Razmatrajući Vašu ostavku i naprijed navedene razloge, obavještavam Vas o sljedećem:  
- uvažavajući Vaš rad kao ministra u Vladi Kantona Sarajevo na čijem čelu se nalazim, tokom kojeg ste svojim punim angažmanom i aktivnim učešćem u radu Vlade, kako u dijelu koji se odnosi na rad ministarstva kojim rukovodite tako i poslovima i pitanjima iz djelokruga Vlade svojim konkretnim prijedlozima i mišljenjima, te provedbi zaključaka Vlade doprinijeli odgovornom, zakonitom i efikasnom radu Vlade Kantona Sarajevo.  
Shodno navedenom, cijenim da ste povjerenu funkciju vršili u okviru ustava, zakona i drugih propisa i dali značajan doprinos kolektivnom radu Vlade Kantona Sarajevo.

Imajući u vidu naprijed navedeno, izražavam svoju nesaglasnost i ne prihvatam podnesenu ostavku na mjesto ministra Ministarstva za obrazovanje, nauku i mlade, te se iskreno nadam da ćete i dalje nastaviti sa obavljanjem svojih dužnosti kao član Vlade Kantona Sarajevo.

S poštovanjem

Dostaviti:

1. Naslovu
2. Evidencija
3. Arhiva



e-mail: [premijer@ks.gov.ba](mailto:premijer@ks.gov.ba), [www.ks.gov.ba](http://www.ks.gov.ba)

Tel: + 387 (0) 33 562-068, + 387 (0) 33 562-070

Fax: + 387 (0) 33 562-211

Sarajevo, Reisa Džemaludina Čauševića 1

